

0411  
13.05.24  
[Signature]

**Broj: 01/3-07-2-UP/I-22-3/24**  
**Banja Luka, 10.05.2024. godine**

Na osnovu člana 23. Zakona o slobodi pristupa informacijama na nivou institucija Bosne i Hercegovine („Službeni glasnik BiH“, broj: 61/23) i člana 9. Pravilnika o unutrašnjoj organizaciji u Upravi za indirektno oporezivanje („Službeni glasnik BiH“, broj: 43/23), u postupku odlučivanja po zahtjevu Predraga Jelače za pristup informacijama, Odjeljenje za komunikacije i međunarodnu saradnju,  
d o n o s i

### **R J E Š E N J E**

Odobrava se Predragu Jelači, Uprava za indirektno oporezivanje, Bana Lazarevića bb, 78 000 Banja Luka pristup informacijama u vezi sa provođenjem predloženih mjera po Izvještaju Odsjeka za unutrašnju kontrolu broj: 01/2-1-09-2-674-8/14 od 22.04.2015.godine i podnesenih disciplinskih prijava protiv Eseta Delića i Ismeta Hamulića.

### **O b r a z l o ž e n j e**

Predrag Jelača podnio je dana 22.04.2024. godine Upravi za indirektno oporezivanje, u skladu sa Zakonom o slobodi pristupa informacijama na nivou institucija Bosne i Hercegovine („Službeni glasnik BiH“ broj 61/23), zahtjev za pristup informacijama u vezi sa provođenjem predloženih mjera po Izvještaju Unutrašnje kontrole broj: 01/2-1-09-2-674-8/14 od 22.04.2015.godine i podnesenih disciplinskih prijava protiv Eseta Delića i Ismeta Hamulića.

Odjeljenje za komunikacije i međunarodnu saradnju zaprimilo je zahtjev 23.04.2024. godine i uputilo ga nadležnoj organizacionoj jedinici, Sektoru za poslovne usluge, u rad. Sektor za poslovne usluge dostavio je ovom odjeljenju traženu informaciju aktom broj: 02-07-2-1212-1/24 od 07.05.2024. godine.

U postupku obrade zahtjeva utvrđeno je da imenovani zahtijeva pristup podacima koji ne predstavljaju zaštićene informacije.

Uvidom u disciplinski spis broj: 01-34-5-952/15 utvrđeno je da je u vezi propusta konstatovanih u Izvještaju o kontrolnim aktivnostima broj: 01/2-1-09-2-674-8/14 od 22.04.2015. godine, Rješenjem o pokretanju disciplinskog postupka broj: 01-34-5-952-1/15 od 22.04.2016. godine, pokrenut disciplinski postupak protiv Eseta Delića, državnog službenika u Regionalnom centru Banja Luka, raspoređenog na radnom mjestu šef Grupe za reviziju i kontrolu u Odsjeku za poreze zbog postojanja osnovane sumnje da je učinio težu povredu službene dužnosti propisanu odredbom člana 18. stav (1) tačka d) Pravilnika o disciplinskoj i materijalnoj odgovornosti zaposlenih u UIO (Zloupotreba ili prekoračenje službenih ovlaštenja) - postupanje suprotno zakonu i drugim propisima prilikom obavljanja službene dužnosti i odredbom člana 19. stav (1) tačka d) Pravilnika (Neizvršavanje ili nesavjesno, neblagovremeno i nemarno vršenje povjerenih poslova) - propuštanje poduzimanja mjera ili radnji za koje je uposleni ovlašten radi sprečavanja nezakonitosti. Povreda službene dužnosti koja se imenovanom stavlja na teret, ogleda se u tome što je kao ovlašteno službeno lice, u postupku kontrole poreskog obveznika „IMPRO“ a.d. Prijedor - u stečaju vršene u periodu od 08.05.2011. do 07.06.2011. godine, a za kontrolisani period od 01.12.2008. godine do 30.04.2011. godine propustio da utvrdi kada je kontrolisani obveznik prestao sa upotrebom opreme u poslovne svrhe, te na osnovu toga izvrši ispravku odbitka ulaznog poreza za

poreski period 1012, a što je bio obavezan u skladu sa članom 36. stav (2) i (3) Zakona o PDV-u („Sl.glasnik BiH“ broj 9/05 i 35/05) i članom 76. Pravilnika o primjeni Zakona o PDV-a („Sl.glasnik BiH“ BR.93/05, 21/06, 60/06, 6/07, 100/07, 35/08 I 65/10) uslijed čega nije naložio kontrolisanom poreskom obvezniku plaćanje dodatne poreske obaveze po osnovu PDV-a u iznosu od 499.149,81 KM.

Postupajući u postupku utvrđivanja odgovornosti državnog službenika Eseta Delića, Prvostepena disciplinska komisija donijela je Rješenje broj: 01-34-5-952-10/15 od 27.05.2016.godine kojim je imenovanog oslobodila odgovornosti za počinjenu težu povredu službene dužnosti.

Imajući u vidu da na rješenje Prvostepene disciplinske komisije nije izjavljena žalba, to je isto u skladu sa odredbom člana 80. stav (1) tačka b) Pravilnika o disciplinskoj i materijalnoj odgovornosti uposlenih u UIO („Sl.glasnik BiH br. 77/08 i 80/11) postalo konačno.

Nadalje, a u vezi sa disciplinskom prijavom od dana 18.05.2015. godine protokolirane u Glavnoj kancelariji UIO pod brojem 01-34-5-951/15 podnesene protiv Hamulić Ismeta-šefa Grupe za reviziju i kontrolu u Regionalnom centru Banja Luka zbog počinjenja teže povrede službene dužnosti, a u vezi sa izdavanjem naloga za obnovu postupka kontrole broj: 04/5-2/I-17-1-55-1392/14OP od 12.12.2014. godine za poreski period 01.12.2008.-30.04.2011. godine kod poreskog obveznika „IMPRO“ a.d. Prijedor - u stečaju, a za koju kontrolu po navodima iz prijave, Grupa za reviziju i kontrolu u Regionalnom centru Banja Luka nije bila nadležna, informišemo vas da po istoj nije postupano, budući da je dana 30.06.2015. godine Ismetu Hamuliću u skladu sa članom 50.stav (1) Zakona o državnoj službi u institucijama BiH („Sl.gl.BiH“ br.12/02, 19/02, 8/03, 4/04, 17/04, 26/04, 37/04, 48/05, 2/06, 32/07, 43/09 i 8/10) kojim je propisano da radni odnos prestaje kada državni službenik navršši 65 godina života i 20 godina staža osiguranja, prestao radni odnos u UIO.

Slijedom navedenih činjenica odlučeno je kao u dispozitivu rješenja.

*Pouka o pravnom lijeku:* Protiv ovog rješenja podnosilac zahtjeva ima pravo podnošenja žalbe Žalbenom vijeću u roku od 15 dana od dana prijema rješenja.



Dostaviti:

1. Predrag Jelača, Uprava za indirektno oporezivanje, Glavna kancelarija, Bana Lazarevića bb, 78 000 Banja Luka (uz dostavnicu)
2. Odjeljenju 01/3 2x
3. a/a

Bosna i Hercegovina



Босна и Херцеговина

Uprava za indirektno-neizravno oporezivanje

Управа за индиректно опорезивање

04

## DOSTAVNICA

Naziv akta/ pismena Broj i datum	Dostavljeno Prezime i ime odnosno naziv pravnog lica	Datum prijema i potpis primaoca	Napomena
01/3-07-2-48/I- 22-3/24	PREDRAG JELEČA	13.05.2024 	